

Թակիչը հատուկ պարկի մեջ զետեղած¹⁰⁷: Չափավ զարնելով հանէլին լարը
թրթռացնում էին և լարը մոտեցնելով բրգին՝ վերջինս գզվում էր: Գգրաւնէրն
էին նաև Բիշա հարողնէր: Բարձրանում էին կրտէրը՝ կտուրը, բուրդն ուզած
գույներով փռում կարպետի վրա և փէտի իրա շինած՝ բարակ գերանի վրա
փաթաթած ու կապած տաք ջուր շաղ ըն տամ և քացի տալով կլորում՝ գլո-
րում մի կողմից մյուսը, մինչև որ թաղիքը պատրաստ էր լինում:

* *

*

Թ ե լ մ ա ն ե լ ը : Մանկուց առաջ ֆոլէրն երկրորդ անգամ գզում են և
մալանչ ըն անըմ՝ ավելի փոքր գնդերի վերածում, որ մանկու համար հարմար
լինի:

Թ ե լ մ ա ն ե լ ու հ ա մ ար Գորիսի շրջանում առհասարակ ազատ իլիկին, թէ-
շիին, վօտին գրեթե չէին դիմում: Այսպիսի իլիկով պատահում էր, որ մանում
էին մետաքսը կամ շատ բարակ բուրդը կամ կոշտ դազիլը՝ այժի մազը: Վեր-
ջինս չվանի՝ պարանի և սիջիմի¹⁰⁸ համար, բայց այս նյութերն էլ մանում էին
լօխ շրխարակավ՝ ճախարակով, որի օգնութեամբ ստանում էին ուզած բա-
րակութեան և ոլորման աստիճանի թեւ, նայած թե ինչի համար էր գործած-
վելու—գորգի, շալի, գուլպայի և այլն: Ճախարակի ձևը՝ հայաբնակ և հարևան
գավառներում տարածված սովորական ձևն էր, միայն թե մասերն ունեին տե-
ղական անուններ: Ամբողջական մեկ փայտից շինած անիվը, որին հաճախա-
կի պատահում ենք անտառաշատ լոռիում, այստեղ չկա: Թօփի՝ հաստ
առանցքակալի վրա, որի միջով անց է կացվում նէտը¹⁰⁹ կամ օխը¹¹⁰, աչ և ձախ
կողմից նստեցրած են թէվէրը, որոնք կազմված են խաշաձև իրար վրա դրած
ութանման բարակ տախտակներից:

Սրանց վերին և ստորին եզրերի ատամների արանքներով անցկացրած
բրդն փառէրավ՝ թեւերով երկու թէվէրն իրար հետ միացված են: Այս թելա-
ցանցը կազմում է անիվի շրջի երեսը:

Փառէրի վրայով փաթաթված կուպրած թելով՝ ֆոզավ քօփի պտտվելը
փոխադրվում է իլիկին:

Թօփն իր թէվէրավ, թեք վօտնէրավ հաստատված է տակի տախտի վրա:
Իլիկն անց է կացրած իլիկի մատնէրի¹¹¹ կամ վօտունէրի¹¹² ծակերով, ունի

¹⁰⁷ Շատախի և Մոկսի գավառներում՝ գորարության վարպետներ են ողմեցիք: Շատախի
հարավային Ոզմի գյուղի այս բնակիչներին կարելի էր հանդիպել մերձավոր բոլոր գավառնե-
րում՝ մինչև վան, Խիզան, Կարճկան և ավելի հեռու: Նույն արհեստով նրանք պարապում էին
երևանում այնտեղ գաղթելուց հետո: Թաղիքագործությունն առանձնապես ընդունելի է թուր-
քերի մեջ, որոնք այդ արհեստը բերել էին իրենց հետ ասիական ներքին տափաստաններից,
որտեղ վրանները մինչև այսօր էլ ծածկվում են նուրբ և զեղարվեստորեն ձևավորված թաղիքնե-
րով, երբեմն երկտակ: Գորգագործությունը թուրքերի մեջ արագ զարգացավ դեպի Իրան և
Անդրկովկաս գաղթելուց հետո, գլխավորապես տեղական ժողովրդից առած՝ կանանց միջոցով:
Այն մեծ տարածում ստացավ քոչվոր տնտեսության մեջ, գորգերի, կարպետների, մաֆրաշների
գործածության հարմարության պատճառով՝ սար բարձրանալու և իջնելու ժամանակ, մանավանդ,
ար խաշնարածությունը դրա համար առատ հումք էր տալիս:

¹⁰⁸ Սիջիմ—բարակ պարան, համար. թրք. sicim—веревочка, шнурок, бечевка.

¹⁰⁹ Գորիս, Խնձորեսկ:

¹¹⁰ Բոնակոթ:

¹¹¹ Բոնակոթ:

¹¹² Արծվանիկ: Բեխում՝ վրէճներ: